



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliarvm Omnivm Generalivm Et Provincialivm Collectio Regia**

Ephesini Concilii Generalis Pars III. Sub Cælestino papa I. anno CCCCXXXI.

**Parisiis, 1644**

Eivsdem Caelestini Papae epistola ad Maximianum episcopum  
Constantinopolitanum, post Synodum.

**urn:nbn:de:hbz:466:1-15241**

carnem, cui quæstio inferebatur, concurrerent, & impietatem conuicti vniuersa congregatio confutaret.

ANNO  
CHRISTI  
431.

Causa fidei congrue & ecclesiastica & pauperum utilitatis causa subiungitur: vt qui integritatem fidei præstistis, pauperum quoque commodis consulatis. Illustris & sanctæ recordationis Proba possessiones in Asia constitutas longa a maioribus vetustate sic reliquit, vt maiorem summam reddituum clericis pauperibus & monasteriis annis singulis præciperet erogandam: sed hæc possessiones ibidem constitutæ, in damnum pauperum huius negligentia, vt grauius nil dicamus, qui his præfuerat, ea sunt ratione tractatæ, vt non solum consueta non soluerent, verum etiam subreptitia impetratione earum <sup>\* iustum</sup> ius <sup>domini</sup> dominiumque violetur. Rogamus pietatem vestram, vt religiosæ & illustri domui & ecclesiæ id pro clementia vestra præstetis, vt omnis ab his insidiantium inquietudo discedat, & tam ecclesiæ, quam suis dominis sit tuta possessio: vt quod inde alimoniam pauperum acquiritur, vestrum esse credatur. Data Idibus Martiis, Fl. Aetio & Valerio vv. cc. Coss.

EIVSDEM CÆLESTINI PAPÆ  
epistola ad Maximianum episcopum Constantinopolitanum, post Synodum.

*Cælestinus episcopus Maximiano episcopo Constantinopolitano.*

CAP. XXII. **V**IDIMVS & amplexi sumus fraternitatem tuam in literis tuis, talemque sanctitatem tuam, qualem noueramus, inspeximus, simplici scilicet puritate gloriosam, & mentis fulgore potius, quam <sup>\* honore</sup> sermone perspicuam. <sup>\* f. Redit</sup> Sed in se atque in statum suum illa, de cuius fide semper gloriabamur, ecclesia, quæ nunc te præfulem diuino iudicio accepit, postquam illum qui eam obsidebat, eiecit. Sume gubernacula notæ tibi nauis, eamque vt didicisse te a tuis prioribus nouimus, rege. Obsiste vndis, quas ille ventus, qui & a nauis <sup>\* rectoris</sup> vectores abegerat, sed omnibus inimicus, exciuit, omni eam laterum cupiens compage dissoluere, vt rapidis eam posset vorticibus deuorare; professus falsum (quid enim non iniquitas profitetur?) gubernatoris officium, vt videretur regere quos perdere nitebatur. Ad-

ANNO  
CHRISTI  
431.

huc te excitata ab eodem vnda circumsonant, & elati fluctus vel procellæ sollicitant. Resiste peruigil, & commissæ tibi nauis magister, saluti commissorum tibi qua potes cura succurre. Fac quietum mare esse quo nauigas: fac tua arte tutam nauem post eas tempestates, quas sustinuerat quam gubernas. Illum sequere piscatorem, qui maris aquas pedibus, vt ad Christum Dominum nostrum, quem ambulantem in mari viderat, posset peruenire, calcavit. Matth. 14. Sequere priorum, a quibus eruditus es & nutritus, exempla pontificum; beatissimi Ioannis in prædicando scientiam, sancti Attici in repurgandis hæresibus vigilantiam, decessoris tui Sisinnii, cuius te successorem credimus, simplicem puritatem; vt de illa, sicuti solebamus, gratulemur ecclesia. Congrega sparsos, piumque animum, qualem te habere nouimus, in eos quos dissipauerat perturbator, exerce. Congrega populos tuos ad matris suæ vbera, reuoca quos \* inuitos veneni sapore abstraxerat inimicus. Confirma in fide, quos videris \* appetitos, cura quos inspexeris vulneratos; remoue qui non \* sentiunt medicinam. Interdum enim dolore \* tollitur, & cum ea quæ sunt noxia præciduntur, salus reliquis præparatur. Latus campus est, frater carissime, in quo gloriam & vigilantis pastoris & benigni sacerdotis exerceas, & saporem Christianæ salubritatis infundas; vt plus in reparando potuisse te liqueat, quam ille potuit in lædendo, qui imitator diaboli maluit esse quam Christi, perturbans omnium ecclesiarum quietem: cui nunc debemus operam in commune præstare, vt omnium vna fides, & vnus sit animus sacerdotum. Luc. 5. Teneat manus tua dominicum ventilabrum, & purget aream creditam tibi, vt a frumentis paleæ separentur, & omne iuxta mandatum Christi Dei nostri horreis triticum aggregetur. Locum impietas nouella non habeat, & compresso olim per totum orbem sua damnatione noto Celestiano errori, tua vigilantia resistatur; vt quicumque huius dogmatis sunt sequaces, ab omni societate hominum repellantur. Obsistat illis per te Spiritus sanctus his in omnibus, qui ad Locus corruptus. has quascumque conatur prouincias peruenire, ne eorum impia prædicatio resurgat. Obsistite eis: ita enim, vt damnentur quocumque perueniunt, innotescunt; & tamquam non illis sententia toties repetita sufficiat, longinquas ter-

Mm iij

\* f. illico  
vel, imbi-  
bito  
\* d. infi-  
diis  
\* f. reci-  
piunt

ras remotasque prouincias inquietant. Sed eos ille perse-  
quitur, cuius fidem sua prauitate persequi nitebantur: &  
quo se abscondant, ad quas latebras confugiant, sua se im-  
pietate prodentes, \* non possunt. Filios vero nostros reli-  
giosos viros Ioannem presbyterum & Epictetum diaco-  
num cum magna lætitia suscepimus, & cum maiore gra-  
tulatione remisimus. Data Idibus Martiis, Fl. Aetio &  
Valerio vv. cc. Coss.

ANNO  
CHRISTI  
431.\* f. inue-  
nit

EIVSDEM CÆLESTINI EPISTOLA  
ad clerum & plebem Constantinopoli constitu-  
tam, post Synodum.

*Cælestinus episcopus clero & plebi consistentibus  
Constantinopoli.*

CA. XXIII. **E**XULTATIO matris est congregatio filiorum: denique  
lætatur ecclesia ita se filios, quos diabolus dispererat,  
iterum congregasse, vt ex his, nisi filius perditionis, nemo  
sit perditus, quia eum filium suum nequaquam pater agno-  
uit. Illum namque, ex quo erat, sicut legimus, imitatus,  
vobis legitimis Dei filiis hereditatem conabatur auferre,  
quos dicente Apostolo, pro fide vestra & heredes Dei,  
& Christi nostri futuros credimus coheredes. Non ergo  
ei palmam de his referre permissum est, qui de ipso magis  
per arma fidei triumpharunt. Victores vos, imo commu-  
nis regis de hoste victoriam loquitur tyrannus exclusus:  
vicit in vobis, cuius incerta fieri diuinitas putabatur. \* Se-  
paretur \* prauitas, quæstionem dixerim quam sibi vnus-  
quisque bene credens debet simpliciter aperire. Quis  
enim ad examen vocare audeat Deum, eumque discute-  
re qualiter venerit subuenire? Non fuit difficile Deo posse  
quod voluit, cum dignatus est liberare, qui potuit. Sed vn-  
de illi peccatori in tanta caligine sua lumen non videre?  
vnde terrenis argutiis in superioribus positam colligere  
veritatem? Hæc in tenebris suis videre non possunt, qui  
lucernæ illius verbum nesciunt, quod esse lumen semitis  
suis Dauid propheta testatur. Cum quo Psalmographo, vt  
supra diximus, matrem lætantem, in vterum suum, quem  
dissipatio hucusque ridicula & blasphema turbauerat, re-  
uerfis filiis, cantare delectat: *Ecce quam bonum & quam in-  
cundum habitare fratres in vnum.* Competenter hæc ergo

Rom. 8.

Psal. 118.

Psal. 112.

Psal. 132.

\* nativi-  
tas,